

Payí Poro Garesia piropenisíyo ηweáyí nání eañinarini.

Payí rina Jisasoyá siyikíyí piropenisí yoí Garesiayo ηweagíáyí nání Poro eañinarini. Poro xámi émáyí añí tíñimini wái nura nemeríná Garesia piropenisíyo nání nuri añí obaxí e e ikwíróniñíyo wái nura emeñinigini (Wái wurimeiarigíáwa 13:1-14:26). E nemo ámi wí e nání nuri yaríná Judayí wí Garesia piropenisíyo nání nuro ámá Poro xwiyá Jisaso nání riniñí yayí winipaxípi wái uraríná Jisasomi diñí wikwírogíayo xejwí nuréwapiyiro réniñí urigíawixini, “Jisasomi diñí niwikwíro aawi iyí símí síó miwákwinípa ero ηwí ikaxí Moseso niriri eañipimi eni pírániñí mixídipa ero nerónáyí, Gorixoyáyiné imónipaxímani.” urigíápi nání Poro niñíá nimónimáná payí rina niriri eañinigini. Xejwí uréwapiyarigíáyí ríwí numero sa Jisaso nání uréwapiyíñipi diñí ikwírórixiniri niriri eañinigini.

1 ¹⁻²Poroni —Nioni Kiraisoyá wái wurimeiaríñá wonirini. Ámá wí Gorixo nání wái wurimeíwiniginiri nirowárénapigíámani. Wí Gorixoyá wái wurimeiarigíá wo imóníwiniginiri nirípeagíámani. Ápo Gorixo —O Jisasi Kiraiso xwáripáyo dání owiápinimeaniri siñí wimixiñorini. O tíni Kiraiso tíni awaú nirípeagííonirini. Nioni tíni negí nirixímeá re ηweagíá nání tíni Gorixoyá siyikí imónigíá Garesia piropenisíyo añí bi bimi ηweagíáyíné nání payí rina neari mónapariñwii. ³ “Negí ápo Gorixo tíni negí Áminá Jisasi Kiraiso tíni wá seawianiri seyíné niwayiróniro ηweapíri nání seaimixiri oépiyi.” nimónarinini. ⁴ Kiraiso nene ámá Gorixomi mixídariigíáyí yarigíápa mepa yaníwá nání uyínií yarigíá ríná dání gwíniñí neaikweani nání eñinigini. E neríná negí ápo Gorixo “E éwiniginini.” yaiwiñipi tíni xixeni neri nene íwí yariñwápi yokwarimí neaiminiri nání yoxáipámi xe onipikípoyniri eñinigini. ⁵ Ayínáni íníná Gorixomi yayí numéra úwaniginini. E éwaniginini.

“Xwiyá yayí neainariñipi ná bini imónini.” uríñí nánirini.

⁶ Nioni seyíné yarigíápi nání ududí xwé ninarini. Seyíné sini mé Kiraiso wá niseawianiri seaiñipimi dání Gorixoniyá oimónípoyniri wéyo

ía seaumiriŋomi niwiepisamoárimimi nuro mimóní xwiýíá yayí neainariŋí bimi oxídaneyiniro yariŋagía náni ududí xwé ninarini. ⁷Api nepa xwiýíá yayí neainipaxí bimaní. Ámá wí seyíné ayá nisearemoro xwiýíá Kiraiso náni yayí neainipaxí imóniŋípi naíroayiri ikixeaniro yariŋagía náni rariŋini. ⁸Ámáone aírani, aŋínají wo aírani, xwiýíá yayí neainariŋí nioni xámi wái niseariríná searáriŋápi tîni xixeni misearí xegí bi nisearirínáyí, xe roapikíníwanigini. ⁹Niseariríná rixa e searáriŋwá aiwi ámi axípi bi osearimini. Giyí giyí xwiýíá yayí neainariŋí nioni wái seararíná aría nigíápi tîni xixeni misearí xegí bi nisearirínáyí, xe roapikínírixini. ¹⁰“Poró ámá nîni xío yariŋípi náni yayí owiniri rarini.” riseaimónarini? Oweoi, ámá maríái, Gorixoní nioni yariŋápi náni yayí owiniri yariŋini. “Poró ámá sírogwí tîŋáoni oimóniminiri yarini.” riseaimónarini? Nioni ámá sírogwí tîŋáoni oimóniminiri neri siŋwiriýí, Kiraisoyá xináíníniŋí nimóniri omiŋí wiariŋáoni imóniminiri enámáni.

**“Xwiýíá nioni wái searáriŋápi Gorixo wía
nókímixiŋírini.” uriŋí nánirini.**

¹¹Nirixímeáyíné, xixeni imóniŋí ripi osearimini. Xwiýíá yayí neainariŋí nioni wái searáriŋápi ámá wí érowiápínigíápi máni. ¹²Ámá wo rariŋagi aría wiŋápi máni. Ámá wo nírewapiyiniŋípi máni. Oweoi, sa Jisasi Kiraiso xewaníŋo wía nókímixiŋípirini. ¹³“Gí Judayí Gorixomi píraníŋí oxídaneyiniro yariŋíápa nioni enína neríná yagápi náni seyíné rixa aría wigíawixini.” nimónarini. Gorixoyá siyikí iwamífo imónigíáyo xeaniŋí ría tîŋí niwikárirí anipá imixárfímiginiri yagáriní. ¹⁴Gí aríowa érowiápínigíápi oxídiminiri neríná gí nirikwí wa nioni tîni xixeni imónagíamáni. Nioni gí aríowa nérowiápíniro nineaíwapiya bigíápi oxídiminiri ayá ría niweagí enagi náni nioni tîni xixeni imónagíamáni. ¹⁵⁻¹⁶Nioni e yagáoni aiwi Gorixo —O gí inókí sini minixiri enána wá niníwianiriŋípi máni dáni xíoyáoni oimóniri náni wéyo ía numiriŋorini. O Poró gí íwo náni émáyo wái nurimeíwiniginiri niwimóniri o náni wía nókímixiŋíná axíná nuri wía nókímixiŋípi náni ámá wí tîni xwiýíá bi miriniŋwanigini. ¹⁷Wái wurimeipíría náni xámi nimónigíáwa Jerusaremi ŋweagí náni wí muŋanigini. Sa Arebiayíyá aŋiyómíni nuri e dáni ámi aŋí Damasikasiyí riniŋípi máni ŋanigini. ¹⁸E nemoni xwiogwí rixa wáu wo pwéána “Pitao tîni xwiýíá ŋweáimigini.” niyaiwiri Jerusaremi náni nuri o tîni niŋwearíná síá wé wúkaú síkwí wú yeamúroaríná ¹⁹wái wurimeiarigíá wíami siŋwí miwinípa néra numána aí Jemiso, Ámináomi xogwáomíni siŋwí winiŋanigini. ²⁰Xwiýíá agwí nioni neari wírenapariŋápi Gorixoyá siŋwí tîŋí e dáni “Yapí bi mirariŋini.” niseariri eaariŋini. ²¹Pitao tîni xwiýíá niŋweámoni ámi aŋí Siria piropenisíyo tîni aŋí Sirisia piropenisíyo tîni níkwíroníga uŋípi tîŋí e náni ŋanigini. ²²Nioni e ená enagi náni íná Kiraisoyá siyikí imónigíá Judia piropenisíyo

añí apí apimi ñweagíáyí nioni sini siñwí minanigíá eñagi nání símimanjí mí minómixipaxí nimóniro ²³wigí wíniyí sa xwiyíá ripi rinariñagía aríá wiayigíawixini, “Nene xámi xeaniñí ríá tíñí neaikáriño sini axípi e mé rixa xwiyíá nene diñí wikwíroariñwá xwiríá oikixéminiri eñipi wái rimearini.” rinariñagía aríá niwiayiro ²⁴“Ayí Gorixo omi wiémóagi nání ría e yarini?” niyaiwiro nání yayí umegíawixini.

Wái wurimeiarigíá wía Poromi umímínigíá nánirini.

2 ¹Xwiogwí wé wúkaú sikwí waú waú nememoni Banabaso tñni nerimeánirai Taitasomi niwirimeámi ámi Jerusaremi nání uñwanigini. ²Nioniyá diñí tñni maríái, Gorixoyá diñí tñni wái wurimeiarigíá gí wía —Awa áamá wí “Wíniyo seáyi e wimónigíáwaríani?” wiaiwiariñagíawarini. Awa tñni xwiyíá ñweáimiginiríná nuri xwiyíá yayí neainariñí nioni émányí añíyo wái urariñápi nání áwanjí nurémearíná awa “Joxi wái nuriríná xámi néra biñípi tñni agwi yariñípi tñni surímá yariñini.” niripírixiniri xámi awami ínimi áwanjí uráriñanigini. ³E éagi aí Taitaso, nioni tñni úo —O Girikiyí worini. O nání aí awí eánigíe dání re wí minirigíawixini, “Iyí símí sini síó miwákwíníñáná nene tñni nawíni kumixinipaxomani. Xámi iyí símí síó owákwípoysi.” wí minirigíawixini. ⁴Mimóní níríxímeá imónigíáyí —Ayí nene gwíniñí ñweañweáne imónirane re yaiwirane “Kiraisomi diñí niwikwíroriñípi dánini wé róniñí wiene imónipaxímani. Omi diñí niwikwírómáná ñwí ikaxí eániñípi nixídiríñípi dání Gorixoyá siñwíyo dání wé róniñí wiene imónipaxíri.” yaiwirane yaníwá nání gwíniñí neañwiráraniri egiáyíri. Ayí Kiraisomi diñí wikwíroariñwápimi dání ñwí ikaxí eániñípi xídani nání áxeñwarí miniñweáne siñwí íwí neanimeaniro nání áamá kikiá imónigíá wíniñí nimóga neámeagiáyíri. ⁵Ayí xeñwí rariñápi none wí aríá niwirane mixídí xwiyíá yayí neainariñí nepaxiñí imóniñípi seyíné tíámíni sini aníñí níríga unía nání ayo píri niwiaíkirane eñwanigini. ⁶Apini maríái, wái wurimeiarigíá “Wíniyo seáyi e wimónigíáwaríani?” wiaiwiariñagíawa —Awa xámi Ámináo tñni emeagiáwa aí “Ayí ananirini.” yaiwiariñáwarini. Gorixo ámányo símí símí e mumeariñí eñagi nání rariñini. Awami xwiyíá nioni wái rimeariñápi nání áwanjí urémeááná re wí minirigíawixini, “Joxi wái niriríná xwiyíá nimúrori rariñípi, ayí ripirini.” wí minirigíawixini. ⁷Wí e minirípa nero sa diñí ripi niaiwigíawixini, “Gorixoyá diñíyo dání iyí símí síó miwákwínípa yariñíyo wái uriniri uowáriñoríani? Pitaó negí Judayo wái uriniri uowáriñípa émányo wái uriniri uowáriñoríani?” niaiwigíawixini. ⁸Gorixo iyí símí síó wákwínigíáyo wái uriniri Pitaomi eñí sixí wímixiñípa nioni eni émányo wái uriniri eñí sixí nímixiñí eñagi nání rariñini. ⁹Apí niniaiwiro mí ninómixiro “Gorixo Poromi wá niwianiri e wiñíriani?” niniaiwiro nání Jemiso tñni Pitaó tñni Jono tñni —“Awa

anġ iyí noraŋġa puŋġpíniŋġ imóniġáwarġani?” wiaiwariġáwarini. Awa axġpini re rináriġawixini, “None Judayí aŋġimini wái uraniwárini. Poro tġni Banabaso tġni awaú émáyí aŋġimini wái uripisírini.” niriniro yawawi “Awa tġni nikumixiniri yariŋwáonerġani?” yaiwiani náni siganixí niyeairo yayí yeawáriġawixini. ¹⁰E neróná yawawi “Api oyayi.” niyeaimóniri símí xeadípénariġwíŋġi nirináriro ripini yeariġawixini, “Awagwí ámá re ŋweagiá dŋwí ikeamóniġáyo dġŋġ nimori arirá bi owiaiyiniri éiisixini.” yeariġawixini.

Poró Pitaomi ámá siŋwí anigġe dáni mixí uriŋġi nánirini.

¹¹E neri aí Pitaó anġ Adioki riniŋġipimi náni nibiríná xewaniŋo xwiyíá meárinipaxí bi ikárinġagi náni nioni mimáyo dáni niwiaġkiri xġomi “Nġipikwini miyariŋġini.” uriŋanigini. ¹²Ayí ripi náni e uriŋanigini. Ámá Jemiso tíámimi sini mirémónapipa eŋáná Pitaó anani ámá émá tġni nikumixiniri aiwá nawíni nagġrini. E neri aí ámá awa —Awa re rarigiáwarini, “Émáyí Jisasomi dġŋġ niwikwírooro aí iyí símí síó miwákwnġipa nerínáyí, Gorixoyá imónipaxġmani.” rariġáwarini. Awa rémónapáná Pitaó rixa wé íá nimixeániri sini émáyí tġni nikumixiniri aiwá nawíni nagġmani. Awa náni wáyí neri e yagġrini. ¹³Judayí Jisasomi dġŋġ wikwíroariġíá Adiokiyo ŋweagiáyí “Pitaó wé íá nimixeániríná xixeni miyarinini.” niwimóniri aí ayí eni Pitaó eŋġpa axġpa éwapínigġawixini. E nero wigí éwapínġipimi dáni dġŋġ Banabasoyápi eni píri yipákwigġawixini. ¹⁴E éagiá aiwi nioni ayí xwiyíá yayí neainariŋġipi píranġġí íá mixiripa nero api tġni nepa xixeni miyariŋagiá niwiniríná Pitaomi ámá nġni aríá egġe dáni re uriŋanigini, “Joxi Judayí woxi aí yegġyí yariġíápa íníná mé émáyí yariġíápa nimóniri yariŋoxi eŋagi náni pí náni émáyí re oyaiwípoyniri wikáriminiri yariŋġini, ‘Judayí yariġíápa nimónirane mepa neranénáyí, nġipikwini miyariŋwini.’ oyaiwípoyniri pí náni wikáriminiri yariŋġini?” uriŋanigini.

“Jisasomi dġŋġ wikwíróġipimi dánini Gorixo ‘Wé róniġíáyirini.’ rárarġirini.” uriŋġi nánirini.

¹⁵Ámi re uriŋanigini, “Yawawi yegġ inókípaú yeaxirigġe dáni émáyí imónirai ŋwí ikaxí riniŋġipimi wiaġkiariġwíwawi imónirai mé Judayí imóniġwíwawirini. ¹⁶E imóniġwíwawi eŋagi aí Gorixo ámá ŋwí ikaxí Moseso eanġipi xidarigiáŋġipimi dáni wí ‘Wé róniġíáyirini.’ mirári ámá Kiraisi Jisasomi dġŋġ wikwíroariġíáŋġipimi dáni ‘Wé róniġíáyirini.’ rárarġirini eŋġipi náni niġíá nimónirai náni yawawi Gorixo yegġ ŋwí ikaxí eániŋġipimi xidarigiwíŋġipimi dáni maríái, yegġ Kiraisi Jisasomi dġŋġ wikwíroariġwíŋġipimi dáni ‘Wé róniġíwaurini.’ ráriníá eŋagi náni yawawi aí Kiraisomi dġŋġ wikwíroġwíisixini. O ámá wo aí ŋwí ikaxí eániŋġipi xidarġiŋġipimi dáni ‘Wé róniŋorini.’ wí ráriníá meŋagi náni Kiraisomi dġŋġ

wikwírogwísixini. ¹⁷Yaiwaníjowawi ηwí ikaxí eáníjipi nixídiraína yarígwíipimi dání maríái, Kiraiso neaiijipimi diñí wikwíroarígwíipimi dání Gorixo ‘Wé rónigíiwagwírini.’ yearáriníjwawi oimónaiyiniri nerína Judayeneyá ηwí ikaxí ‘Api api érixini.’ riniijipimi wiaíkgígwíwawi imónígwírini. E imónígwíwawi eñagi nání re ripaxírani, ‘Kiraiso ámá íwí epíri nání wiepisariñorini.’ ripaxírani? Oweoi, wí e ripaxí mimónini. ¹⁸Añí nioni pineaárijáiwá ámi nimirínáyí, ‘Ŋwí ikaxí eáníjipimi wiaíkiariñoxirini.’ niripaxírini. Ayí ripi rarijini, ‘Nioni Judayeneyá ηwí ikaxí riniijipi ríwí nimorína nepa sipí bi méagi aí xámi api nixídiriijipimi dání wé róniñáoni imóníimiginiri eñá emi moñápi ámi íá nixirínáyí, “Ŋwí ikaxí eáníjipimi wiaíkiariñoxirini.” niripaxírini.’ rarijini. ¹⁹Ayí ripi nánirini. Nioni sini ηwí ikaxí eáníjipimi oxídiminiri nerína nijá re imóniñárini, ‘Apimi dání ámá wí Gorixoyá siñwíyo dání wé rónigíáyí imónipaxímani.’ Nijá e nimóniri nání sini apimi nixídimi nání rixa pegíáyí woníñíj ímóniri Gorixomini nixídiri diñí wikwírómi nání siñí egíáyí woníñíj ímóniri eñárini. ²⁰Nioni Kiraiso tñni nawíni rixa íkíá yoxáípami pegwífonirini. Ayí ripi rarijini, ‘Nioni Gorixoyá diñí tñni Kiraiso tñni nawíni ikárinígwífonirini.’ rarijini. Nioni pí pí yariñápi gí diñíyo dání yariñámani. Kiraiso nioni diñí íkíki niniñí eñagi nání oyá diñíyo dání yariñárini. Sini xwíá tíyo niñwearína pí pí yariñápi, ayí Gorixoyá xewaxomi —O nioni nání diñí sipí niwiniñi yoríriníñorini. Omini diñí niwikwírori yariñárini. ²¹E nerína Gorixo nioni wá niníwianiri niijipi peá moariñámani. Ŋwí ikaxí eáníjipimi nixídiriijipimi dání ámá nepa wé rónigíáyí imóniñánáyí, ayí Kiraiso peñipi surímá peáripaxírini.” uriñanigini.

**Diñí niwikwíroriijipimi dání imónipaxípi tñni ηwí ikaxípi
nixídiriijipimi dání imónipaxípi tñni nánirini.**

3 ¹Majimajía ikárinarigía Garesia ηweagiáyiné, ámá go diñí píripírí seaíagi yariñoi? Kiraisomi yoxáípami yekwiroáraná nene nání neaiijipi nání nioni seyíne tñni niñwearína pírániñí repiyí niseaiéra uñá eñagi nání sewaniñíyíne siñwí tñniñíj winigía eñagi nání rarijini. ²Nioni yariñí bi ripini oseaimini, “Gorixo xegí kwíyipi niseaiapirína seyíne ηwí ikaxí Moseso eañipimi xídaríñagía niseaniri seaipariñani? Xwiýá Kiraiso nání riniijipi aría niwiro diñí wikwíróagía niseaniri miseaiapipa eñirani?” ³Seyíne arige nero majimajía ayá wí ikárinariñoi? Iwamío íná Gorixoyá oimónaneyiniro kwíyipi eñí seaímixiñipimi dání néra núfasána agwi segí eñí eánigíápimi dánini yóí oimónaneyiniro riñariñoi? ⁴Kiraisomi diñí wikwíróána seaímeañí nipini surímá riseaímeañinigini? “Oweoi, api surímá wí miseaímeañinigini.” nimónarini. ⁵Gorixo xegí kwíyipi sixí niseayiri emimí niseafwapiyirína seyíne ηwí ikaxí Moseso eañipimi xídaríñagía niseaniri nání

seaíwapiyariñirani? Xwiyía yayí neainariñí imóniñipi aría niwiro diñí wikwíróagi niseaniri nání miseaíwapiyipa yariñirani?

⁶Bikwíyo re niriniri eánini, “Ebiríamo Gorixo urípi diñí wikwíróagi nání ‘Wé róniñí imóniñí worini.’ ráriñirini.” ⁷E niriniri eániñagi nání diñí re mórixini, “Giyí maríai, diñí Gorixomi wikwíroarigiáyí Ebiríamoyá fwiáriawé imónigiáyirini.” mórixini. ⁸Eñiná Gorixo re eñwípeáriñí eñagi nání “Émáyi nioni diñí nikwíróaná ‘Wé rónigiáyirini.’ rárfimigini.” niri eñwípeáriñí eñagi nání Bikwíyo niriniri eániñípa Ebiríamomi xwiyía yayí winariñí imóniñí ripi uriñinigini, “Joximi dání ámá rixí wirí wirí egiáyo niyoni nañí wiimíarini.” uriñinigini. ⁹Ayináni re ripaxirini, “Gorixo ámá xíomi diñí wikwíroarigiá giyí giyo Ebiríamo, diñí wikwíroñomi tíni nawíni nañí wiñífyirini.” ripaxirini. ¹⁰Ripi nání eni diñí nimoríná axípi yaiwipaxirini. Ámá ñwí ikaxí Moseso eañípimi nixídiriniñípimi dání Gorixoyá siñwíyo dání wé róniñwaéne oimónaneyiniri yarigiá níni oyá siñwíyo dání sa anínimixiniñírí nání xwiyía meárinigiáyí imóniñoi. Bikwíyo re niriniri eániñagi nání rariñini, “Ámá ñwí ikaxí Bikwíyo eániñí api api niyoni xixeni mixídipa yarigiá giyí giyí Gorixoyá siñwíyo dání sa nanínimixinaniro nání xwiyía meárinariñoi.” niriniri eániñagi nání rariñini. ¹¹Bikwíyo ripi eni niriniri eániñagi nání rariñini, “Ámá diñí wikwíróagiá nání Gorixo ‘Wé róniñoi.’ ráriñíyí diñí niyimíñí tígíá imóniñíríoi.” niriniri eániñagi nání diñí re yaiwiáripxaxirini, “Ámá wo ñwí ikaxí eániñípimi xídariniñagi nání Gorixo ‘Wé róniñoixirini.’ uráripaxí mimónini.” yaiwiáripxaxirini. ¹²Wé róniñí oimónaneyiniro ñwí ikaxí xídarigiápi, ayí Gorixomi diñí wikwíroarigiápi tñni xixenimani. Ripi Bikwíyo niriniri eániñagi nání rariñini, “Ámá ñwí ikaxí eániñípi xídarigiáyí bi aí miwiamó wigi xixeni nixídiriniñípimi dánini diñí niyimíñí tígíáyí imónarigiárini.” niriniri eániñagi nání rariñini. ¹³Judayene ñwí ikaxí eániñípimi dání nanínaníwá nání xwiyía meárininiñwaéne imóniñagi aí Kiraiso xewaniño nene nání xwiyía neameárinariñá wanínimixiápipimi dání gwíniñí nearoayíroñirini. Ayí ripi niriniri eániñagi nání searariñini, “Ámá pikíáná íkiáyo yekwíroárinigiá giyí giyí Gorixoyá siñwíyo dání anínimixinaniro xwiyía meárinigiáyirini.” niriniri eániñagi nání “Kiraiso nene nání xwiyía neameárininiñípimi dání gwíniñí nearoayíroñirini.” searariñini. ¹⁴Ebiríamomi símimaníño dání Gorixo “Nañí e niseaiimíarini.” réroáriñipi émayo eni wímeari Judayene Gorixo negí aríowami símimaníño dání “Nigí kwíyípi niseaiapimíarini.” riñipi nene Kiraiso neaiiñipi diñí wikwíroariñwápimi dání neáimeari enía nání gwíniñí nearoayíroñirini.

**“Ñwí ikaxípi niriñíná Ebiríamomi ‘Niseaiimíarini.’
uriñipi xwíá oiweniniri riñímani.” uriñí nanirini.**

¹⁵Gí niriñímeáyíné, ámaéne yariñwápi nání xwiyía bi osearimíni. Ámá wo xwiyía rixa nireóariríná “E nisiimíarini.” nuriri nání “Joxi

ririápi íkí siŋagi níkwírímónimíámami.” éniŋí nurirínáyí, ríwéná ámi omiwiáróminiri neri wí riníárani? Ámi siŋí bi gíwí nímixiri wí riníárani? Oweoi. ¹⁶Gorixo Ebiríamomi tñi iyí axípami tñi símimaŋŋyo dáni “Dixí iyí axípami dáni naŋí niseaiimíárini.” réroáriŋípi nuriri iyí axípáyí niriríná Ebiríamoyá íwiáfawé obaxí náni mirí ná woni Kiraiso náni riŋírini. ¹⁷Nioni oseariminiri searariŋápi ripi imónini. Wigí símimaŋŋyo dáni “Naŋí e niseaiimíárini.” nurárimáná eŋáná xwiogwí rixa 430 nimúrómáná eŋáná ŋwí ikaxípi nuriri aiwi xámi “E niseaiimíárini.” nuriríná “Íkí siŋagi níkwírímónimíámami.” éniŋí uráriŋípi náni wí rakíniŋímani. Ayínáni re nimónarini, “ ‘E niseaiimíárini.’ uráriŋípi Gorixo wí xwíá oiweniniri eŋímani.” nimónarini. ¹⁸Ŋwí ikaxí riniŋípi xídaríŋwápimi dáni Gorixo nene náni neaipimoáriŋípi neaímeapaxí nimónirínáyí, nene re yaiwianigini, “O ‘Niseaiimíárini.’ réroáriŋípimi diŋí wikwíroariŋwápimi dáni neaímeapaxímani.” yaiwianigini. E neri aí Ebiríamomi símimaŋŋyo dáni “Niseaiimíárini.” réroáriŋípimi diŋí wikwíroariŋípimi dánini wímeaŋí eŋagi náni diŋí wí e yaiwianiméwini.

¹⁹E searariŋagi náni áamá wo re niriniŋoi, “Ŋwí ikaxí riniŋípi xídaríŋwápimi dáni Gorixo nene náni neaipimoáriŋípi nepa míneaímeapaxí nimónirínáyí, pí náni ŋwí ikaxípi neariŋírani?” niriniŋoi. Ai ayí Ebiríamoyá iyí axípá imóniŋo —“Omi dáni naŋí niseaiimíárini.” uriŋo, ayí orini. O imóníe náni “Íwí nene yariŋwápi xíoyá maŋí niwíafkiri ría yariŋwini?” oyaiwípoyiniri ŋwí ikaxípi neariŋírini. Ŋwí ikaxí api Gorixo aŋínajíyá maŋíyo dáni apaxípániŋí imóniŋí womi uriŋípirini. ²⁰Áamá wo apaxípániŋí imóniŋo api uriniri nurowáriríná xewaníŋo api urinimeniŋoi. E neri aí Gorixo “E niseaiimíárini.” nuriríná áamá apaxípániŋí imóniŋí womi murowári wayá símimaŋŋyo dáni urarigíápa axípi e eŋírini.

²¹Áamá wo re riniŋoi, “Gorixo xwíyíá Ebiríamomi símimaŋŋyo dáni ‘E niseaiimíárini.’ nurimáná ámi ríwíyo xegí áamáyo ŋwí ikaxípi nuriríná ikweakwímí neri mirípa reŋinigini?” Áamá wo e ráná “Oweoi, wí e ripaxímani.” urimíni. Gorixo ŋwí ikaxí áamá níxídiríŋípimi dáni diŋí niyimiŋí imónipíría náni imónipaxí bi niriri siŋwiriyí, ayí ŋwí ikaxí api xixeni xídaríŋagiá niwíniríná “Gí siŋwíyo dáni wé rónigíáyínérini.” uripaxí imóniminiri eŋírini. ²²E neri aí ríwamiŋí Bikwíyo neániriŋíyo dáni ámaéne negí íwí yariŋwápi náni Gorixo gwíniŋí neayáragírini. Áamá Jisasi Kiraisomi diŋí wikwíroariŋíyáyo sa e yariŋíápimi dáni “E niseaiimíárini.” réroáriŋípi tñi xixeni wiinía náni ámaéne íwí yariŋwápi náni ŋwí ikaxí neániriŋíyo dáni gwíniŋí neayáragírini.

**“Ŋwí ikaxípi Kiraisomi diŋí wikwírórixiniri
yayíwí neameŋírini.” uriŋí nánirini.**

²³Xwíyíá diŋí wikwíroariŋwáo nánipi sini mirinípa eŋáná ŋwí ikaxí eániŋípi yayíwí nineaméra nibiri xwíyíá api siŋáni imóníe náni

gwíniŋí neayáragírini. ²⁴ Ayí ripi searariŋini. Ŋwí ikaxí eániŋipi Kiraiso tíŋí e náni nineaipemeámi neaunfa náni yayíwí nineaméra bagírini. Ámá Kiraisomi diŋí wikwíroariŋagía náni Gorixo “Gí siŋwíyo dáni wé róniŋoi.” rárariŋí eŋagi náni nene api e imónaníwá náni yayíwí nineaméra bagírini. ²⁵ Xámi yayíwí nineaméra bagí aí xwiyíá diŋí wikwíroariŋwáo nániŋipi rixa nimóniŋagi náni yayíwí neameariŋipiŋimi sini xídipaxí menini.

**“Diŋí wikwíroariŋwápimi dáni Gorixoyá
niaíwene imóniŋwini.” uríŋí nánirini.**

²⁶ Seyné niyínéni Kiraisi Jisasomi diŋí wikwíroariŋíápimi dáni o tñi nawíni níkariniŋo náni niaíwí Gorixoyá imóniŋíáyínérini. ²⁷ Kiraiso tñi oikárinaneyiniŋo niyínéni wayí nimearo xío imóniŋípa oimónaneyiniŋo rapirapí wúniŋí yíniŋíárini. ²⁸ Seyné niyínéni Kiraisi Jisaso tñi nawíni ikáriníŋagía náni wiyíné Judayí imóniŋíáyínérani, wiyíné Girikiyí imóniŋíáyínérani, wiyíné wayá xináfwániŋí nimóniŋo omiŋí wiariŋíáyínérani, wiyíné omiŋí wayáŋipi epíri náni áxeŋwarí miniŋíáyínérani, wiyíné oxíyínérani, wiyíné apixíyínérani, niyínéni siyikí ná bini imóniŋagía náni Gorixoyá siŋwíyo dáni anani imónini. ²⁹ Kiraiso tñi nawíni ikáriníŋíáyíné eŋagi náni Ebiríamoyá iyí axípá imóniŋoi. Ayináni xíomi símimanŋíyo dáni “Niseaiimíárini.” réroáriŋipi seaiiniáyíné imóniŋoi. Segí arío Ebiríamoyá diŋíŋipi meapíríáyínéniŋí imóniŋoi.

**“Ŋwí ikaxíŋipi nixídíríná gwíniŋí neayáragí aí
Kiraiso nearoayíroŋírini.” uríŋí nánirini.**

4 ¹ Ewayí xwiyíá ripi osearimini. Xano wiepíxíniasiŋo sini onimíá nimóniríná xanoyá amípí nípini meanío eŋagi aiwi xináfwániŋí nimóniŋo omiŋí wiariŋíáyíŋí yapí imóniŋorini. ² Síá xano ráriŋíŋí imóníe náni omi ámá wí yayíwí umero xíoyá omiŋí siŋwí uwínoxídiŋo yarigíorini. ³ Xámi nene eni niaíwenéniŋí imónagwárini. E nimónirane xwiyíá sirimiŋí éwapíniŋíáŋipi —Api, ayí re rinarigíáŋipiŋini, “Api mepani. Api minipani.” rinarigíáŋipiŋini. Api oyaneyiniri nixídíránéná gwíniŋí neayáragí eŋagi náni gwí omiŋíniŋíŋí yagwárini. ⁴ Nene e yagwá aiwi Gorixo “Ína imóníwiniŋini.” yaiwíáriŋíŋíŋí imónáná xegí xewaxomi xwíá tíyo náni uowárenapiŋíniŋini. Omi apixí wí uxíriri ŋwí ikaxí eániŋipiŋimi nixídírane gwí yárinagwáyí imóniŋwá womi uxíriri eŋorini. ⁵ Gorixo piaxí nineameri xíoyá niaíwenéniŋí imónani náni ŋwí ikaxí nixídíriniŋipiŋimi dáni gwíniŋí yárinagwaéne nearoayírówiniŋiniŋini uowárenapiŋíniŋini. ⁶ Agwi “Gorixoyá niaíweneríani?” oyaiwiníŋipoyiniŋíŋí xegí xewaxoyá kwíyíŋipi —Apimi dáni Gorixomi nuriríná “Ápoxini. Ápoxini.” urariŋwáŋipiŋini. Api rixa sixí seamímoníŋirini. ⁷ Ayináni ŋwí ikaxí api api xídipíri náni sini gwí omiŋí yarigíáyínéniŋíŋí mimóniŋoi. Rixa

xíoyá niaíwíyíné imóniñoi. Xíoyá niaíwíyíné enagi náni xío seaiiñípimi dáni xegí diñipi meapíríyáíné imóniñoi.

“Seyíné yarigiápi náni aga ayá síwí niroarini.” uriní nánirini.

⁸Xámi Gorixo náni sini majía nimóniri náni mixídipa neríná ñwía segí diñí tñi imixigiápi —Api nepa ñwía imóniñípimani. Api omeñweaneyiniri náni gwíniñí seayáriníyíyíné nimóniro yagiárini. ⁹E nero aiwi seyíné rixa xíomi nixídiro ámá xíoyá imóniñagía náni —Api ripaxí aí ámá xíoyá oimónípoyiniri xewaniño seaimixiñí enagi náni e niriríná “Ayí xixeni rimíini.” nimónarini. Rixa xíoyá oimónípoyiniri seaimixiñí enagi náni seyíné diñí arige nimoro axímíni nikinimóniro ámi Judayíyá xwiyía sirimiñí éwapínigiápimi —Api píraníñí seaimixipaxí wí mimóniñípíriini. Apimi arige niyaiwiro ámi oxidaneyiniri yariñoi? Ámi Judayí iwamíó érowiápinigiápi nixídiriníyíyíné dáni gwíniñí oyárinaneyiniro riyariñoi? ¹⁰Seyíné Judayí síá ayimi “E epaxíriini.” rarigiápi xídiro emá siñí náni síá ayimi “E epaxí imónini.” rarigiápi xídiro Gorixo náni diñí mopíri náni síá ayí ayi imónáná “Aiwá nimixiro e érixini.” rarigiápi xídiro xwiogwí siñí imónáná “E epaxíriini.” rarigiápi xídiro yariñagía náni searariñini. ¹¹Seyíné e yarigiápi náni aga ayá síwí niroarini. Nioni seyíné tñi niñwearíná aniñí miní nisearéwapiyiri aí “Síwiá searéwapiyinaríani?” nimónariñagi náni ayá síwí niroarini.

¹²Gí nixixímeáyíné, wauní ripi osearimíni, “Ñwí ikaxí riniñípimi dáni gwíniñí yíroniñáoni imóniñápa seyíné eni axípi imónípoyi.” osearimíni. Nioni eni seyíné imóniñápa sa ámá woni imóniñagi náni searariñini. Nioni seyíné seaímeááná seyíné sipí wí minikárigíawixini. ¹³Seyíné nijíárini. Iwamíó íná dáni xwiyía yayí neainariñipi wáí niseariríná riramiñí nimóniri náni seariñanigini. ¹⁴Nioni riramiñí imóniñápi seyíné xwiríá seainimíniri ení aiwi seyíné wí peayí niniwianiro ríwí minimó Gorixoyá añíñají womírani, Kiraiso xewaniñomírani, nimíminiriniñí nimíminigíawixini. ¹⁵Nioni wáí searáná seyíné “Xwiyía yayí neainipaxípi aría wianíwaéne, nene mimóniñwí reñwini?” niyaiwiro yayí seainiñipi gimi nimoro yariñoi? Íná e epaxí nimóniri siñwíriyí, niapaniro náni segí siñwí aí yónipaxí imóniñagía siñwí seaniñá enagi náni searariñini. ¹⁶Nioni nepaxiñí imóniñipi tñi xixeni neari searariñagi náni seyíné “O símí tñi neaimániri yarini.” riseaimónarini? ¹⁷Ámá ñwí ikaxí riniñipi tñi gwíniñí seayáraniro yarigiáyí mepí niseatiniro aiwi nañí seaíwapiyaniro náni mepí seatinarigiámani. Poroni ríwí ninimómáná noneyá sírogwí oimónípoyiniri seayíñwíroaniro yariñoi. ¹⁸Nañí seaíwapiyipíri náni mepí nitiniróná ayí ananirini. Nioni seyíné tñi ñweañánáni maríái, nioni miñweañagi aiwi nañí seaíwapiyipíri náni mepí nitiniróná ayí ananirini. ¹⁹Gí niaíwíniñí imóniñáyíyíné, ríniñí apixíwa niaíwí xiraniro íná winariñápa nioni eni seyíné xerwími

warigíápi píni niwiáriro Kiraiso imóniņípa imónipíríe náni ámi axípi e niniga warini. ²⁰E niseariri aí mixíni misearí nipení xwiyíáni searimi náni seyíne tíni oņweáminiri náni íkíniņí sipí niarini. Seyíne xerjwími warigíápi náni ududí ninariņagi náni searariņini.

Xegaí tíni Seraí tíni náni niriríná ewayí xwiyíá bi uriní nánirini.

²¹Ŋwí ikaxí riniņípimi xídarinġwápimi dáni Gorixoyá siņwíyo dáni wé róniņwaéne oimónaneyiniri yarigíáyíne, yariņí bi ripi oseaimini, “Ŋwí ikaxí eániņípimi dáni riniņípi náni nepa diņí mimoarigíáyínerani?” ²²Bikwíyo dáni xwiyíá bi ripi náni niriniri eániņagi náni osearimini. Ebiríamo niaíwí waú emeaagírini. Wío xináíniņí nimóniri omiņí wiariņí xiriņorini. Wío xegí xiepi —Í xináíniņí nimóniri omiņí miwiipa yariņirini. Í xiriņorini. ²³Xináíniņí nimóniri omiņí wiariņí xiriņo sa apixíwa oxí tíni nemero niaíwí xirarigíápa xiriņorini. Xiepi, xináíniņí nimóniri omiņí miwiipa yariņí xiriņo Gorixo Ebiríamomi símimaņíyo dáni “E nisiimíarini.” urinípimi dáni xiriņorini. Bikwíyo api náni niriniri eániņípi náni osearimini. ²⁴Xwiyíá ípaú náni riniņípi agwí ríná imónariņí bi tíni ríramiņiyí niniri ripaxírini. Ípaú xwiyíá Gorixo ráriņí biaú nánirini. Xwiyíá bi —Api ŋwí ikaxí riniņípirini. Api díwí Sainaiyi riniņípi tíņí e dáni ráriņípi, ayí Xegaí nánirini. Niaíwí í xiriņíyí xináíwániņí nimóniro omiņí wiipíríá náni imóniņíyítrini. ²⁵Díwí Sainaiyi riniņípi Arebia imónini. Api Jerusaremi agwí ríná imóniņípi tíni ríramiņiyí niniri imóniņípirini. Ámá aņí apimi ŋweáyí xináíwániņí nimóniro omiņí wiariņigíáyíniņí imóniņagía náni rariņini. ²⁶Ámá aņí apimi ŋweáyí xináíwániņí nimóniro omiņí wiariņigíáyí imóniņagía aí ámá Jerusaremi aņínami imóniņípimi ŋweáyí rixa gwíniņí yíróniņigíáyítrini. Aņí api Kiraisomi diņí wikwíroņwaéne negí nókíniņí imóniņípirini. ²⁷Bikwíyo dáni aņí apixí ípaú tíni ríramiņiyi apiaú náni xwiyíá ripi niriniri eániņagi náni searariņini, “Apixí niaíwí mixirí oxí roņíxi yayí éirixini. Jíxi apixí niaíwí nixiriríná ríniņí winariņípi sini misinipa yariņíxi maņí nexoari meaņí rírixini. Niaíwí apixí meawárí siņíxiyá obaxí nimóga nuro pírániņí meániņiyá niaíwíyo múropíríá eņagi náni meaņí rírixini.” niriniri eániņagi náni searariņini. ²⁸Gí niriđimeáyíne, Ebiríamomi símimaņíyo dáni Gorixo “E nisiimíarini.” uráriņípimi dáni Aisako xiriņípa axípi e imónigíáyínerini. ²⁹Íná niaíwí apixí oxí tíni nemero xirarigíápa xiriņo, o niaíwí Gorixoyá kwíyípimi dáni xiriņomi xeaniņí wikáragírini. Agwí eni axípi e xeaniņí seaikáraniro yariņoi. ³⁰E seaikáraniro yariņagía aiwi Bikwíyo dáni píoi rinini? Ayí re niriniri eáni, “Xináíniņí nimóniri omiņí wiariņími tíni xegí niaíwomi tíni mixí xídowarei. Xináíniņí nimóniri omiņí wiariņiyá xewaxo tíni dixí apixí, rináíniņí nimóniri omiņí misiipa yariņiyá xewaxo tíni awaú niwaúni dixí diņípi tígíwauú nimóniri amipí xanoxiyá mimeapa éfisixiniri

rirariņini.” niriniri eánini. ³¹ Ayináni gí nirixímeáyíné, Kiraisomi diņj́ wikwíroariņwaéne xinániņj́ nimóniri omiņj́ wiariņj́yá niaíwenéniņj́ mimóniņwini. Xinániņj́ nimóniri omiņj́ miwiipa yariņj́yá niaíwenéniņj́ imóniņwini.

**“Gwíniņj́ yíróniņwaéne ámi gwí yárinipaxí
mimónipa éwanigini.” urinj́ nánirini.**

5 ¹ Pípi oimónípoyiniri mariái, gwí yíróniņwaénéniņj́ oimónípoyiniri Kiraiso gwíniņj́ neaíkweawáriņj́rini. Ayináni seyíné eņj́ neánro ŋweárixini. Ámi ŋwí ikaxípi nixídírane gwí omiņj́ yaníwá náni odipí sámí xe oneayípoyiniri siņwí miwinipa érixini.

² Nioni Poroni searimípi aría ókiarí nimónípoyi. Ŋwí ikaxí riniņj́pi nixídiriņj́pimi dáni wé róniņj́ imónipíri xe iyí símí sío oneawákwípoyiniri siņwí niwinirónáyí, Kiraiso niđerfná ámá niyoni náni eņj́pi naņj́ wí seaimixipaxí menini. ³ Ámá xe iyí símí sío oneawákwípoyiniri siņwí winarigía wíyí wiyíné ámi dirirí bi oseaimini. Api e nerónáyí, ŋwí ikaxí riniņj́yí bini xídipaxímani. Nipini xídírixini. ⁴ Segí ŋwí ikaxí riniņj́pi xídariģáipimi dáni Gorixo “Wé róniģáyínérini.” nearíwiniginiri yariģáyí rixa Kiraiso t́ni gwíniņj́ íkwamixiniģáirini. Gorixo wá niseawianiri seaiņj́pi rixa ríwímimi nimamoro yariņoi. ⁵ Wiyíné e yariņagía aí nene Kiraisomi diņj́ niwikwíroriņj́pimi dáni diņj́ re ikwímoņwini, “Ŋwí ikaxí xídariņwápimi dáni mariái, Gorixo xewaniņo neriņj́pimi dáni ‘Wé róniģáyínérini.’ nearáriníárini.” niyaiwirane oyá kwíyípi eņj́ sixí neaímixíipimi dáni diņj́ e ikwímoņwini. ⁶ Ayí ripi searariņini. Ámá Kiraisi Jisaso t́ni nikáriniríná rixa iyí símí sío wákwíniņáná nikárinirínárani, miwákwíniņáná nikárinirínárani, ayí ananirini. E neri aí Gorixo wimónariņj́pi oyaneyiniríná eprípi, ayí ripirini. Kiraisomi diņj́ niwikwíroriņj́pimi dáni ámáyo diņj́ sipí niwiro arirá wiarigiápirini.

⁷ Seyíné iwamíó Kiraisomi nuxídíróná ámá yamiyamúróniģí niniróná aņj́ni wiári múroariģáyí yapí nimóniro yagiárini. E nero aí go seapíroņagi xwiyía nepaxiņj́ imóniņj́pi sini xixeni mixídariņoi? ⁸ Diņj́ seyíné agwi íá xirigiápi Gorixoniyá oimónípoyiniri wéyo íá seaumiriņomi dáni aría wigíapimani. ⁹ Ewayí xwiyía ámaéne rariņwá ripi náni diņj́ mópoyi. Bisíkeriá siņj́pimi yisí bi onimiápi táná nimini íkwiaņwí eapínarariņj́rini. Seyíné yariģápi apíniņj́ mimónipa reni? ¹⁰ E niseariri aí “Seyíné naņj́ xixeni imóniņj́pi nepíríárini.” niseaiawiri náni diņj́ siņj́ neánarini. Seyíné Ámináo t́ni ikárinigiá eņagi náni “Diņj́ xegí bi mixiri nioni xiriņj́ axípi nixiripiráoi.” niseaiawiri náni diņj́ siņj́ neánarini. Ayá searemoariņo go go eņagi aiwi “Gorixo anani pirí umamoníárini.” nimónarini. ¹¹ Gí nirixímeáyíné, nioni yariņj́pi náni pírániņj́ diņj́ mópoyi. Nioni ámá wí rariģápa xwiyía yayí neainariņj́pi wái nirimeríná nepa ripi nirirínáyí, “Jisasomi diņj́ niwikwírori aiwi

iyí símí eni síó wákwinípoyi.” nirirínáyí, pí nání gí Judayí sini xeaniñí nikárariñoi? Nioni nepa e niriri siñwiriýí, Judayí “Kiraiso nene nání yoxáípámi neapeiñirini.” urariñápi aría niniróná apimi dání símirirí niniro óreámioapaxímani. ¹² “Ámá ayá searemoarigiáyí wigí iyí símí síó niwákwiniro píni wiárigíápi síó wiwákwmí inayífrixini.” nimónarini.

¹³ Gí nirixímeáyíné, Gorixo gwí miyiniǵáyíné oimónípoyiniri wéyo íá seamiriñíyíné imóniñagía aiwi “Pí pí nání íeapá neainariñípi yaníwá nání ñwí ikaxí riniñípi dání gwíniñí neaíkweawárinígeneriani?” niyaiwiro api mepa érixini. E mepa neróná ñiñí sipí inarigiápi dání xixe arirá niga úfrixini. ¹⁴ Ñwí ikaxí nipini, ayí xwiýíá ná bini ripimi ikwikwírí inini, “Jiwaniñoxi ñiñí sipí inariñápa ámá wíyo eni axípi wiríni.” riniñí apimi ikwikwírí inini. ¹⁵ E neri aí seyíné api miní síwí xixe síwí niróga wiápinimeaariniñápi níniñí nimóniro xixe rirómí inipírixiniri nání íkwairirí seaiariñi.

**íeapá winariñípi dání epaxípi tñi kwíyípi nipemeámi
wariñípi dání epaxípi tñi nánirini.**

¹⁶ Nioni seariñápi, ayí ripirini. Gorixoyá kwíyípi xe nineaipemeámi ouniri siñwí niwinirónáyí, pí pí miñí seainariñípi xe oneaininiri epíríámani. ¹⁷ Ayí ripi nánirini. Miñí seainariñípi, ayí kwíyípi xwámámí wiminiri yariñirini. Kwíyípi eni miñí seainariñípi xwámámí wiminiri yariñirini. Miñí seainariñípi tñi kwíyípi tñi ámá midimidáni nimearori mixí inarigiápiñiñí imóniñagíi nání rariñi. Ayináni kwíyípi xe nineaipemeámi ouniri siñwí niwinirónáyí, amipí miñí seainariñípi dání oyaneyiniri seaimónariñípi anani epaxí mimónini. ¹⁸ Kwíyípi xe nineaipemeámi ouniri siñwí niwinirónáyí, ñwí ikaxí eániñípi xídiñíri nání gwíniñí miseayárinini. ¹⁹ Miñí inarigiápi nání ámá niyínéni siñáni seaimónini. Miñí niniróná ripi yarigiárini. Íwí iniro piaxí weániapaxípi ero ripeánaniri nání yarigiápi ero ²⁰ ñwiápi miewero ayái ero símí tñi iniro mixíni riniro sipí ñiñí yaiwiniro mixí kíniro xixewíámí riniro ewáramóniro xepixepá róniro ²¹ siñwí íwí winiro iniñí xwapí ninimáná papikí ero papikí neróná uyíni ero xixegíni api api imóniñípi eni ero yarigiárini. Eñíná íkwairirí seaiñápa ámi axípi íkwairirí oseaimini. Ámá api api yarigiáyírani, apíniñí imóniñípi eni yarigiáyírani, ayí Gorixoyá xwioxíyo wí páwipíríámani. ²² E neri aí ámá kwíyí Gorixoyápi xe nineaipemeámi ouniri yarigiáyí ripi yarigiárini. Ámáyo ñiñí sipí wiro ñiñí niñá winiri niwayiróniro ñwearo ayíni xe ói oneaimópoyiniri siñwí winiro ayá urimixiro pírániñí wiuro ámá ñiñí uñwiráripaxípi ero ²³ ayá ririmixí wipaxí imóniro nipíreániro yarigiárini. Ñwí ikaxí bimi dání api nipini riniñípi bí “Mepani.” mirinini. ²⁴ Ámá Kiraisi Jisasoyá imóniñíyí wigí xámi nipikwíni mimóniñípi —Api sipí nání miñí winiro íeapá winiri yarigiápirini. Api ríwí nimoríná rixa yoxáípámíniñí

niyekwiroáriro pikiáriǵiawixini. ²⁵Kwíyípi diǵi niyimiǵi rixa sixi neamímoǵi eǵagi náni api nineaipemeámi ouminiri yariǵipa oxidaneyi. ²⁶Negí wíyí wiyiné mixí mimeakíninipa oyaneyi. Símisí mainenipa erane sipí diǵi miyaiwinipa erane oyaneyi.

“Xixegíni bi bi arirá inírixini.” uriǵi nánirini.

6 ¹Gí niriǵimeáyiné, segíyí wo uyínií éagi niwinimearínáyí, kwíyípi nipemeámi seawariǵiyíiné sipí éomi awayini sanioǵwirárixini. E neróná seáyi e nimóniro “Sipí xío éípa nene wí epaxenemani.” miyaiwipa érixini. Seyíné eni íwí axípi epírixiniri searariǵini. ²Segí wíniyí diǵi uduǵi winariǵi imóniǵipi wí wímeáagi niwinirínáyí, arirá wírixini. Xixe e inírixini. Seyíné e nerónáyí, ǵwí ikaxí Kiraiso riǵipi xixeni tǵni yariǵoi. ³Ámá wo “Nioni seáyi e imóniǵaonirini.” niyaiwinariǵagi aǵ o nepa seáyi e mimóniǵánáyí, ayí xewaniǵo yapí éwapínarini. ⁴Woxini woxini dixí yariǵipi pírániǵi siǵwí anaxíǵine. E neríná xewaniǵoxi “Apáni yariǵini.” nisimóniríná ayí mixí meakíninipaxírini. E neri aǵ ámá wí tǵni ríramiǵiyí niniri “Nioni yariǵipi wí yariǵiápi tǵni xixeni mimónini.” niyaiwiniri mixí mimeakíninipani. ⁵Niyínéni xixegíni segí yariǵiápi dáni seaímeaníá eǵagi náni rariǵini.

⁶Ámá xwíyíá Gorixoyápi uréwapiyariǵiyí wigí amipí naǵi imóniǵiyí bi nimearo wigí uréwapiyariǵomi bi mini wírixini. ⁷Yapí re méwapínipa érixini. Ámá wí Gorixomi majimajíá niwikárimáná riperirí umepaxírini. Ámá pí pí aiwá iwíá nura núíasáná xixeni api miarigíá eǵagi náni rariǵini. ⁸Ámá íeapá winariǵipini yariǵiáyí, ayí ámá omiǵiyo aiwá iwíá urariǵiáyí yapi imóniǵoi. Aiwá yóí éipi miarigíápa wigí eǵiápi dáni nimiríniǵi neríná nanínipírírini. E epíría aǵ ámá kwíyípi nipemeámi wariǵipimi xidarigíáyí wigí eǵiápi dáni nimiríniǵi neríná diǵi niyimiǵi tǵiǵiáyí imónipírírini. ⁹Ámáyo naǵi niwíia nuranénáyí, aniǵi neainíagi aǵ naǵi wiariǵiwápi píni miwiáripa éwanigini. Eǵi samíǵi míneawepa neri píni miwiáripa nerínáyí, aiwá míwáíná naǵini mianíwá eǵagi náni searariǵini. ¹⁰Ayináni sini epaxí nimóniríná ámá niyoni naǵini wiíwanigini. Negí Ámináomi diǵi wikwírogíá nawíni imóniǵiáyo ayí anǵipaxí wiianíwáyírini.

“Kiraiso yoxáipámi dáni neaiǵipi nánini mixí meakínipaxírini.” uriǵi nánirini.

¹¹Ríwamiǵi nioni gí wé tǵni nearíná xwéni xwéni neáa wariǵá rípi seyíné mí ómixípoi. ¹²Ámá iyí símí síó owákwínipoyiniri xixoyípií seamearigíáyí, ayí wigí wíniyí “Apáni e imóniǵiáyí ría yariǵoi?” oneaiawípoi iniri síó seawákwianiro yariǵiáyírini. Ayí Judayí nene Jisaso yoxáipámi neaiǵipimíni diǵi wikwíroariǵagwi níneaniróná xeaniǵi neaikáripírinxiniri e yariǵiáyírini. ¹³Ayí wí ǵwí ikaxí riniǵi nípi

xixeni yariǵááyí mimóniǵagía aiwi seyíne sío seawákwííápi náni wárixá imónaniro náni seyíne iyí símí sío owákwianeyiniro wimónariǵírini. ¹⁴Ayí e yariǵagía aí nioni pípi náni seáyi e nimeri rimiméini. Áminá Jisasi Kiraiso yoxáípámi níperíná nealiǵípi nánini níri ri yayí emíini. Ayí ripi nánirini. Kiraiso yoxáípámi neapeiǵípimi dáni áamá Gorixomi mixídariǵááyí yariǵáápi sini emía náni piyíniǵí imóniri gí siǵwí winiǵae dáni “Wíǵí yariǵáápi eni piyíniǵí ría imónini?” yaiwiri eǵini. ¹⁵Síó niwákwíniríná ayí ananirini. Miwákwínipa neríná ayí eni ananirini. Gorixo ámi xegí kwíyípimi dáni siǵí wí oimónípoyiniri neaimixíípi, ayí aǵipaxí imóniǵí eǵagi náni searariǵini. ¹⁶Áamá nioni searariǵá api íá níxiri xídariǵááyo Gorixo wá wianiri niwayiróniro ǵweapírri náni wiiri éwinigini. Isireri xíoyá imóniǵááyo eni e éwinigini.

¹⁷Nioni Jisasomi xídariǵagi náni iwanǵí nimépeayigíápi igí rixa niweǵagi náni wiyíne nioni diǵí ría níxepaxí ámi bi mepa éfrixini. ¹⁸Gí nírixímeáyíne, Áminá Jisasi Kiraiso wá seawianariǵípimi dáni diǵí sixí oseamímoni. “E oeni.” nimónarini.